

# Encephalite Équine Orientale (EEE)

Fiche ya Kolimbola



Encephalite Équine Orientale (EEE) ezali maladi moko ya mabe mpenza oyo ezwaka bato mingi te kasi epalanganaka soki ngungi eswi moto.



Moto nyonso akoki kozwa EEE, kasi bato oyo balekisaka ntango na libanda nde bazali na likama mingi. EEE ekoki mpe kozwa bampunda, bandeke, mpe banyama mosusu.

## Bilembo mpe Basimptomi



Fefele mpe malili makasi



Bolembu



Mutu mpasi



Mpasi na nzoto mpe na misisa



Maladi ya boongo



Kotungisa ma



Kokanga nkingo



Koma

Bilembo mpe basimptomi yango ebandaka komonana mikolo minei to zomi nsima ya koswa ya ngungi mpe eumelaka poso moko to mibale. Ekoki kozala ete bato mosusu oyo bazwi mikrobe ya EEE bakomonisa bilembo ya maladi te. Bilembo mpe basimptomi ya maladi oyo ezali makasi te ezali: fievre mpe malili makasi, kolemba, mpe mpasi na nzoto mpe misisa.

EEE ekoki kosala ete boongo epola mpe ekoki komema na maladi ya makasi. Bilembo mpe basimptomi ya makasi ezali fievre, moto mpasi, nkingo ekangami, moto akomaka na mobulungano, azwaka maladi ya ndeke, mpe akomaka komiyeba te. Pene na moto moko kati na bato misato oyo bazali na EEE bakufaka. Bato oyo bazali na mibu koleka 50 mpe baoyo bazali na mibu na nse ya 15 bazali na likama monene ya kozwa bokono makasi.



Solola na monganga na yo soki omoni moko ya bilembo oyo. Monganga na yo akoki kozwa baéchantillon ya makila mpe ya fluide cervico-spinal mpo na kosala ekzame ya EEE. Ezali na lolenge moko te ya sikisiki mpo na EEE. Maladi ya makasi ya EEE esengaka kosalisa moto na lopitalo.


## Ndenge ya kokima Encephalite Équine Orientale

Lolenge eleki malamumu ya komibatela na EEE ezali ya komibatela yo moko mpe libota na yo liboso ya ngungi.



Salela nkisi oyo endimami na EPA mpo na kosalelama na looso lokola:

- DEET
- Mafuta ya nzete ya eucalyptus (Oil of Lemon Eucalyptus)
- IR 3535
- Picaridin



Soki ozali libanda, lata bilamba oyo ezali na maboko milai mpe na pantalo milai



Salelá perméthrine na bilamba



Longola mai oyo etelema na libanda ya ndako na bisika oyo ngungi ekoki kobota maki

Mai oyo ezali kotelema esengeli kosopama mbala moko na poso Yango esangisi bakesi, bakopo ya banyama mpe bisika ya kosukola bandeke Okoki mpe kotimola mabulu na biloko lokola bapine mpe bakopo oyo batiki libanda mpe ekoki kozwa mai. Mpo na komibatela, esengeli mpe koboya kobima libanda na ntongo mpe na mpokwa, ntango oyo ngungi ezalaka mingi, mpe kokangisa madusu oyo ezali na baporte mpe na maninisa.

## Mpo na Koyeba Makambo Mosusu, tala:



1. [www.maine.gov/dhhs/EEE](http://www.maine.gov/dhhs/EEE)
2. [www.maine.gov/dhhs/tickfaq](http://www.maine.gov/dhhs/tickfaq) (Mpo na mituna oyo etunamaka mingi)
3. [www.cdc.gov/EEE](http://www.cdc.gov/EEE)
4. [www.epa.gov/insect-repellents/find-repellent-right-you](http://www.epa.gov/insect-repellents/find-repellent-right-you) (Mpo na baréulsif oyo endimami na EPA)

Okoki mpe kobenga Maine CDC na 1-800-821-5821.